

欽定大清會典圖

第三
函十五冊

輿

地

圖

京師輿天祿圖。直隸省全圖。清國圖。

皇輿全圖。

輿

輿地

皇輿全圖一。

京師順天府圖一。直隸省全圖一。府圖四。



皇
輿
全
圖





國家德威暢沛。文軌大同。幅員之盛。亘古未有。

京師居天下之中。其南曰直隸。是爲畿輔。其東曰盛京。

盛京之北曰吉林。又北曰黑龍江。是爲東三省。畿輔之南。其省三。曰山東。曰山西。曰河南。山東省之南爲兩江。其省三。曰江南之江蘇。曰江南之安徽。曰江西。兩江之東南爲閩浙。其省二。曰福建。曰浙江。河南省之西南爲湖廣。其省二。曰湖北。曰湖南。山西省之西爲陝甘。其省二。曰陝西。曰甘肅。陝西之南。其省一。曰四川。江西與湖南。

省之南爲兩廣其省二。曰廣東曰廣西。四川省之南爲雲貴其省二。曰雲南曰貴州。甘肅省之西爲青海。四川省之西爲西藏。長城之外。

盛京與直隸山西陝西省之北爲內蒙古六盟四十九旗。及察哈爾八旗游牧。踰瀚海而北爲外蒙古喀爾喀四部八十六旗游牧。其西爲科布多。其北爲唐努烏梁海。甘肅省之北爲阿拉善額濟納二旗游牧。踰瀚海而西爲伊犁。大海自鴨綠江口。西襟

盛京南

京師直隸東南。又南襟山東之北而東。又南襟江
南浙江之東。又南襟福建東折而西襟其南。又
西襟廣東之南。接越南國境。大江出四川之岷
山。東行。經湖北湖南江西安徽江蘇。入於海。其
西源曰金沙江。出青海東南行。經雲南。折北至
四川。會於江。漢水出陝西之嶓冢山。東南行。至
湖北。會於江。黃河出青海之噶達素齊老山。東
北行。經甘肅。出長城折東而南。環內蒙古鄂爾
多斯旗。是爲河套。入長城。經陝西東山西西。復
折而東。河兩出東江蘇入於海。淮出河南之

桐柏山東行經安嶽江蘇會於河濟出河南之
王屋山南行亦會於河鴨綠江出吉林西南行
經

盛京入於海西遼河出直隸邊外東行經吉林會
東遼河折西南入邊經

盛京入於海灤河出直隸邊外南行入長城入於
海混同江二源曰松花江曰嫩江松花江出吉
林北行出邊折東北經伯都訥會嫩江又經拉
林阿勒楚喀呼蘭三姓入於海嫩江出黑龍江
所屬墨爾根南行經布特哈齊齊哈爾會於松

花江。黑龍江出喀爾喀車臣汗部。東行。經尼布楚呼倫貝爾雅克薩。折東南。經烏魯蘇木丹黑龍江。愛琿三姓。會於混同江。運河在浙江江蘇。引太湖。踰江。引洪澤湖。踰黃河。經山東直隸。引沂河。汶河。衛河。漳河。會於淀。桑乾河出山西。東行。經直隸。折東南。經

京師西。爲永定河。亦會於淀。浙江出安徽。東行。經浙江。入於海。閩江出福建。東行。入於海。粵江三源。西江出雲南。東行。經貴州。廣西。廣東。會北江。東江。入於海。色楞格河。扎布噶河。在喀爾喀游。

牧。大克穆河在唐努烏梁海。額爾齊斯河在科布多。伊犁河塔里木河在伊犁。金沙江之西曰瀾滄江。曰喀喇烏蘇河。曰雅魯藏布河。俱在西藏。極東三姓所屬海中大洲偏東三十一度二十分。極西喀什噶爾蔥嶺之西偏西四十七度。極北唐努烏梁海托羅斯嶺北極高五十六度四十分。極南廣東瓊州府之崖州北極高十八度十三分。凡東西相距七十八度有奇。南北相距三十八度有奇。

三十八 實自齊

[illegible]

關前曰參陳惠燕曰燕曾燕亦或身或
亦冬時草覆碧里木所不封翠金也或云

蘇多野草藥里木所生野草金剛草之類也

順天府圖





京師順天府。東西距六百里。南北距四百八十八里。府尹治大興宛平。統廳四。西路廳。駐宛平縣西。領涿州大興宛平良鄉房山四縣。東路廳。駐通州。領通州薊州三河武清寶坻寧河香河五縣。南路廳。駐大興縣南。領霸州保定文安大城固安永清東安六縣。北路廳。駐昌平州南。領昌平州順義懷柔密雲平谷四縣。東淀在武清東安永清三縣南境。永定河子牙河匯焉。西淀在府西南境。接保定府界。白溝河匯焉。西淀東出二支津。俱東北流。在南者經保定縣北。曰會同。